

(清)

韓善徵

纂著

瘧疾



中國醫學大成

凡例

一、瘧疾向少專書。惟明盧子蘇有瘧瘧論疏。泛引經文。食古未化。夫醫家著述。以切用爲要。茲編不蹈積習。務期簡明切當。不事高談以惑人。

一、靈素金匱等書。代遠年湮。必多缺誤。經中大旨。當以意會。最忌拘執一字一句。曲爲之說。如盧氏以瘧屬陽。瘧屬陰。實嫌穿鑿。此編理衷一是。凡經文不可通處。概勿錄以強解。

一、述前賢諸說。或各篇首標明姓氏。或隨注於每篇夾敍夾議處。不敢掠美也。

一、茲編專爲瘧疾而設。他病不兼收。間有類及者。則低一格附於後。

一、前半卷辨晰諸瘧。症治分篇暢發。似無餘蘊。但古說多混雜不清。故兼糾其謬。以成數則。使學者知所適從。

一、中卷首列病。次列症。與因及脈。並附治法。但牝瘧古人皆謂屬寒。實不盡然。故無定因可分。另附其說於牝瘧案後。產前產後亦同此。

一、後半卷先列案。後列方。則臨症知所變通。立方有所取擇。統觀全卷。諸法略備。

倘有未盡。四海諸賢。匡余不逮。斯則生民之幸也夫。

自敍

余自幼名場奔走。困於諸生者二十年矣。每思平昔所攻。無裨於世。乃棄舉子業。廣搜岐黃家言。朝夕研究。迄癸巳夏秋。吾鄉瘧疾盛行。醫率投小柴胡湯。斃者接踵。詢諸醫。皆以此爲不祧之法。久之游於外。歷質各郡之負盛名者。亦未能明其義。心實歉焉。嗣讀古吳葉香巖瘧案。若有所得。及見海昌王孟英著述。乃恍然於曩日醫家執正瘧之治。以療時感瘧。無惑乎輕病變重。重病至死也。於是潛心者又閱四載矣。不揣謬陋。因述先哲格言。參以拙意。編成是帙。稿凡五易始付梓。誠以見聞未廣。就正有道云爾。若曰問世。則吾豈敢。

光緒二十三年歲在丁酉仲夏吉日曲阿韓善徵止軒氏書於申江旅次

瘧疾論提要

清韓善徵纂。善徵字止軒。曲阿人。內經論瘧既分六經。又分藏府。至仲景曰瘧瘧。曰溫瘧。曰牡瘧。皆未嘗謂專屬少陽一經。奈前賢因傷寒論足少陽經寒熱往來。休作有時二語。遂謂瘧疾無不本於少陽。經訓雖在。置若罔聞。惟古吳葉香巖論瘧。原本經典。不爲俗說所囿。嘉道間海昌王士雄發明葉說。更暢。卽徐洄溪猶以風暑入於少陽等語。妄議華案之非。下此者更無論矣。善徵之論。首列各論。如正瘧。時瘧。伏氣內傷。外感合病。營衛氣血。上中下焦。瘧名異同。截法治療諸說。正誤。次列病分辨似兼痢。次列症分寒熱。日作間作。晝夜早晏新久。次列因寒、風、溫、暑、濕、瘴、疫、食、痰、鬼、虛勞。次列脈瘧無定脈。次列案分古今。次列方分古今。其前半卷。辨晰諸瘧證治。分篇發明。似無餘蘊。中卷。分列病症與因及脈。並附治法。後半卷。先列案後列方。則臨證知所變通。立方有所取擇。統觀全卷。諸法略備。盧氏疚瘧論疏。闡明古經奧義。以明瘧之本原。韓氏瘧疾論。博採時賢新法。以全瘧之療法。溫故知新。相得益彰矣。

瘧疾論目錄

瘧不專屬少陽	一
正瘧時瘧	一
伏氣外感內傷	二
合病	二
衛氣營血	二
上中下焦	二
瘧名異同	三
瘧不因地分輕重	四
扼要	四
治瘧不宜拘執	五
截法	六
治法	七

病 諸說正誤 一五

病

辨似 一九

兼痢 二〇

症

寒熱 二二

日作間作 二二

晝夜 二二

早晏 二二

新久 二二

因

寒 二二

瘧疾論 目錄

風溫	二七
暑濕	二八
瘡瘍	二九
疫疾	二九
食癆	三〇
鬼虛	三〇
虛勞	三一
瘧無定脈	三二

方	今	古
今	古	古
古	古	古
四九	三九	三三
五二	五二	三三

瘧疾論

清

曲阿

韓善徵止軒纂著

鄞縣

曹赤電炳章圈校

瘧不專屬少陽

內經論瘧言之詳矣。既分六經。又分臟腑。至仲聖曰。痺瘧溫瘧。牝瘧皆未嘗謂專屬少陽一經。奈前賢因傷寒論足少陽經寒熱往來。休作有時二語。遂謂瘧疾無不本於少陽。經訓雖在。置若罔聞。惟古吳葉香巖論瘧。原本經典。不爲俗說所囿。嘉道間海昌王孟英。發明葉說更暢。無如歷久相沿。積重難返。信者十二三。不信者十八九。即明如徐洄溪。猶以總由風暑入於少陽等語。妄議葉案之非。下此者更無論矣。噫。醫道之難言。固非自今日始也。

正瘧時瘧

瘧疾論 瘧不專屬少陽 正瘧時瘧

難經云。傷寒有五。傷寒中風、風溫、熱病、濕溫、是也。王孟英曰。傷寒有五。瘧亦有五。不過重輕之別耳。感寒卽病。爲正傷寒。或所感邪氣較輕。入於少陽之經。不爲傷寒。而爲正瘧。設冬傷於寒。不卽病。則爲春溫夏熱之病。其較輕者。則爲溫瘧、瘅瘧。若感受風溫、濕溫、暑熱之氣者。重則爲時感。輕則爲時瘧。統而論之。傷寒有五。瘧亦有五。蓋有一氣之感症。卽有一氣之瘧疾也。此理葉氏引其端。王氏暢其旨。真足喚醒醫家之夢夢矣。

伏氣外感內傷

凡邪客於內。時久乃發。曰伏氣。邪入卽時而病。曰外感。或飲食失節。或勞逸過度。曰內傷。因分列於左。

伏氣

經謂冬傷於寒。不卽病。先夏至發爲溫。後夏至發爲暑。是伏氣之重者也。其較輕者。則爲溫瘧、瘅瘧。經云。冬中於風。寒氣藏於骨髓之中。至春陽氣大發。邪氣不能

自出。因遇大暑。腠理發泄。或有所用力。邪氣與汗並出。病藏於腎。曰溫瘡。又云。肺素有熱。中氣實而不泄。因有所用力。腠理開。風寒舍於皮膚之內。分肉之間。氣內藏於心。曰癰瘡。他如風溫暑濕及瘴毒疫氣之內侵。而不卽發。皆伏氣瘡。丹溪云。瘡邪得於四氣之初。胃氣強者。伏而不得動者是也。

外感

王孟英曰。感寒卽病爲正傷寒。輕者入少陽爲正瘡。可知正瘡感而卽病。與傷寒同。夫邪受隨發皆外感。昔丹溪謂瘡得於四氣之初。弱者卽病。則凡風溫濕溫暑熱及瘴毒疫氣觸之。輒爲瘡者。要皆外感瘡也。若夫卒感尸注客忤之氣爲鬼瘡。亦外感。邵新甫云。諸瘡由伏邪而成。非旦夕之因爲患。亦有不盡然者。

內傷

瘡之內傷。多由脾胃。而分有餘不足。夫脾主爲胃行津液。饑傷脾餒。勞傷脾乏。則健運失職。痰與濕遂聚於胃。爲不足。過飽脾困。過逸脾滯。脾氣困滯。則胃中痰生。

濕蘊爲有餘。皆足成瘧。不必先受外邪。而始生痰濕也。

合病

瘧之內傷外感伏氣。惟經中溫瘴瘧。不必再感邪而始發。其餘風溫暑濕瘴疫諸瘧。雖不必重感邪氣。然多有因重感乃成者。如先傷於暑。後傷於寒之暑瘧。經所謂夏傷於暑。熱氣盛藏於皮膚之內。腸胃之外。因得秋氣而作是也。先傷於寒。後傷於風之寒瘧。經所謂夏傷於大暑。汗大出。腠理開發。因遇夏氣淒滄之水。寒藏於皮膚之中。秋傷於風則病成是也。先傷於風。後觸外邪。即經所謂瘧生於風之風瘧。先受濕。後冒邪。即經所謂足太陰之濕瘧。至於先受瘴毒。疫氣內伏。後受外邪而病瘧。皆伏氣因外感而作。丹溪云。瘧得於四氣之初。弱者即病。胃氣強者。伏而不得動。至於再感。胃氣重傷。其病乃作用。此例推之。自可了然矣。若內傷或因脾少健運。生痰生濕。或食積內蘊。以致痰濕停聚。其瘧必因外邪而成。皆合病也。

衛氣營血

傳經直中四字爲傷寒綱領。或在表。或在裏。其感邪較輕。入少陽之經。不爲傷寒。而爲正瘧。在半表半裏。雖分氣血。無分衛氣。惟感風溫濕溫暑熱者則不然。何也。肺主氣屬衛。心主血屬營。時邪從上受。其淺深。分衛氣營血。而時瘧雖所感較輕。其因無異。而深淺自同。至於感疫氣爲疫瘧。感瘴毒曰瘴瘧。皆從口鼻吸入。與時感受邪等。則重者有直入之勢。輕者亦必先由衛而氣。由營而血。故葉香巖製消毒丹。治疫之在氣。製神犀丹。治疫之在營。學者會通其意可也。但風溫濕溫暑熱諸瘧。每多伏氣爲病。有邪伏於氣。觸外感而發者。亦有邪伏於營。先自營而後達於氣者。今附其辨於後。

在衛者。初起口不渴。舌苔白。在氣者。口渴舌苔黃。小便色黃。在營者。舌色絳。口不渴。在血者。舌色深絳。或煩擾不寐。或發於夜而有譫語。且有瘧邪乘入血室者。如患瘧而女則經水適至。男則大便下血之類。至於舌純絳鮮色者。已入心包矣。內經有肺瘧。心瘧。吳鞠通發明更暢。肺瘧條曰。舌白渴飲。咳嗽頻仍。寒從背起伏。暑所致。此謂瘧邪之在氣者也。心瘧條曰。熱多昏狂。譫語煩渴。舌赤中黃。脈弱而數。自注云。心瘧者。心不受邪。受邪則死。邪始受在肺。逆傳心包絡。此

謂瘧邪之入心包也。足補前聖所未及。正不獨爲葉氏之功臣矣。

王孟英曰。伏氣溫病。自裏出表。乃先從血分而後達於氣分。故起病之初。往往舌潤而無苔垢。但察其脈。稟而或弦或微數。口未渴而心煩惡熱。卽宜投以清解營陰之藥。迨邪從氣分而化。苔始漸平。然後再清其氣分。伏邪重者。初起卽舌絳咽乾。甚有肢冷脈伏之假象。亟宜大清陰分。伏邪繼必厚膩黃濁之苔漸生。此伏邪與新邪。先後不同處。更有邪伏深沈。不能一齊外出者。雖治之得法。而苔退舌淡之後。踰一二日。舌復乾絳。苔復黃燥。正如剝蕉抽繭。層出不窮。不比外感溫邪。由衛及氣。自營而血也。秋月伏暑症輕淺者。邪伏膜原深沈者。亦多如此。斯論語語精實。卓識直過前人。或謂時瘧感邪。較時感爲輕。似未必有此等症。然葉案中有舌赤煩汗。不寐。肢體忽冷。暑邪深入之瘧。而溫瘧伏邪。其必有深沈者。亦可旁推交通矣。又曰。陰分素虛。溫邪直入營分。不必由氣而及時感諸瘧。亦然。蓋陰氣已虛。邪氣更癘。有始在氣。不轉瞬而直入營分者。玩葉氏所云。脈數舌紅口渴。熱邪已入血分之案。其理自知。

上中下焦

吳氏鞠通溫病條辨曰。傷寒論六經由表入裏。由淺及深。須橫看。本論論三焦由上及下。亦由淺入深。須豎看。與傷寒爲對待文字。有一縱一橫之妙。又曰。溫病由口鼻而入。鼻氣通於肺。口氣通於胃。肺病逆傳。則爲心包上焦病。不治。則傳中焦。胃與脾也。中焦病不治。卽傳下焦。肝與腎也。而瘡疾何獨不然。故鞠通條辨中。兼列諸瘡。分隸三焦。今本此。復參拙意以明之。內經之肺瘡。心瘡。皆上焦瘡。瘻瘍。則曰肺素有熱。又曰內藏於心。亦上焦瘡。至謂夏傷於暑。熱氣盛藏於皮膚之內。又謂寒藏於腠理皮膚之中。肺主皮毛。經謂藏於皮膚。是顯然在肺矣。外此若風溫暑濕疫氣瘴毒。皆從口鼻而入。鼻爲肺竅。其自鼻入。先及於肺。此皆上焦瘡也。素問中經瘡。有足陽明瘡。足太陰瘡。臟有脾瘡。腑有胃瘡。而後世所云伏太陰之濕瘡。據脾經之痰瘡。凡一切時感。由口而入於胃。及上焦病不治。傳於脾胃者。皆謂之中焦瘡。至於下焦瘡。內經有足少陰足厥陰及肝瘡。腎瘡。又溫瘡。內經謂病藏於腎。卽伏氣溫病發於少陰之類。不過溫病重而溫瘡輕耳。皆謂之下焦瘡。至瘡久爲瘡母。無非頑瘻。瘀血伏於肝絡。多由中焦不治所傳。亦屬下焦。若虛瘡。勞瘡。或傷脾胃。或損氣血。病無一定。皆以見症分中焦下焦可也。辨法略附於後。

上焦 在肺則舌苔白或黃。邪在衛則白頭痛。肺主天氣天氣鬱故頭痛口渴。肺鬱爲熱欬嗽。邪氣上脘悶懊憊。上院屬上焦邪氣蒙舌本通於心絳爲熱灼心黃色鮮澤者營分熱而有病也。若舌本絳而中心黃或垢濁尤爲痰據。

中焦 在胃則胸痞悶。胸在腹上邪蓄於胃也 嘘吐。邪阻於胃也 在脾則大腹痛。或脹或滿。脾上爲大腹邪聚於脾故痛而脹滿也 諸症皆痰濕食爲患者多。

下焦 在厥陰則乾嘔。肝陽擗搐。火動風生。

悶欲絕。肝氣上逆或口苦 炎上味酸。酸爲木味 木火生蟲又云蟇爲人身所應有之蟲古人皆宗此說大謬豈知物必因敗而生蟲生不已則此物之生氣盡而人亦然夫人身雖象天地而臟腑之爲地無多詎能如天地之包藏惡物耶如謂胃中本有蟇乃婦孺之談非讀書明理者所當言也至前人以陰濕化蟲亦非蓋天令炎熱則生蟲嚴寒則蟲死葉氏就眼

前指點斯爲確論。脈左關必弦。左關爲肝脈 其脅下結塊。肝絡於筋 兩脅下邪乘血室。肝爲腎

陰見症在少陰則腰膝痠軟而痛。腰爲腎府少陰經行於少陰之脈循喉嚨 口渴。腎陰被劫液不能熱隨經而上也 心煩無把握。承心 舌色光絳傷。腎液數爲熱弦爲陰衰細爲陰衰皆少陰見症。

瘧名異同

瘧雖一病。而名實多有因異而名同者。有名異而因同者。更有相沿俗說。牽混不清。顯背經旨。以致後人無從剖晰分明。余故不得不辨。溫瘧兩瘧。見於內經金匱者。係冬傷於寒。伏藏於內。鬱而爲熱。至於外感溫邪。亦曰溫瘧。暑邪深入。亦曰瘴瘧。蓋溫次暑。暑卽熱也。所因雖異。見症則同。正不妨卽症而以類名之。此名同而因異者也。足少陽正瘧。是傷寒邪。金匱中牝瘧亦寒邪。但正瘧邪在少陽。牝瘧邪在足少陰。因雖同。經則異。此因同而名異者也。至於受暑卽發。與暑伏兼感外邪而發者。同曰暑瘧。受濕卽發。與濕伏重感外邪而發者。同曰濕瘧。但夏秋之瘧。觸邪卽發者不少。感邪而伏於內。必待他邪觸之而發者實多。要必以先傷何氣。而名其瘧。如內經先傷於暑。後傷於寒。仍以暑名之。先傷於寒。後傷於風。仍以寒名之。則知素問中有風瘧。雖未明言其因。亦必先傷於風。故名風瘧。乃雷少逸謂先傷於寒。後傷於風爲風瘧。金鑑中亦然。果爾。則食痰及瘴疫諸邪伏於內。重冒外邪而發者。亦可以後傷之邪名之耶。其強以內經之寒瘧而爲風瘧者。又不必言矣。至謂金匱有此說。何妄誣前聖竟若是。

瘧不因地分輕重

昔人每一病。動分五方立言。即如瘧疾。東垣、丹溪謂吳楚閩廣之人。患瘧至多。陽氣素盛之處。其地卑濕。長夏之時。人多患暎瘧霍亂。瀉痢。傷暑濕也。王肯堂云。南人不以患瘧爲意。北人則畏之。北人而在南方發者尤畏之。以此見治者。當知方土之宜也。此說相沿已久。凡病皆然。惟喻西江云。內經運氣。暑濕同推。不分彼此。何分南北。語有卓識。醫者胸中當活潑爲要。豈可先存成見耶。

扼要

凡著述家。徒求淵博。不得要領者。門外漢也。蓋一病雖有多種。苟閱歷深識。見廣不難以一二語括之。如瘧疾一病。六經臟腑。以及內傷外感。名目繁多。而張石頑云。丹溪治瘧。悉以二陳爲主。可見無痰不成瘧也。葉香巖云。由於受暑傷食者多。又云。因暑而發者居多。又云。多因脾胃受病。邵新甫云。惟夏秋暑濕爲多。王孟英云。今世溫熱多而傷寒少。故瘧亦時瘧多而正瘧少。可稱要言不煩矣。蓋營衛之氣。出於脾胃。脾胃得職。則營衛調和。病於何有。或因飲食不節。停滯中州。脾胃之氣機被阻。積而爲痰。或因暑濕內侵。脾胃窒滯。痰亦因鬱而成他。若或既傷暑濕。